

中華文史叢書之九十六
清・光緒刊本影印
王有立主編

金陵瑣志

(全)

陳作霖編

華文書局股份有限公司印行



光緒歲次庚子春正月

金陵瑣志三種

樸生居棧題端
光緒九年九月



金陵瑣志三種總目

予隸籍建康留心文獻兩襄志局考核益宏既輯成金陵通紀通傳二書典章人物確有明徵矣奈卷帙浩繁付采不易若茲瑣志三種者勝專半壑地割一隅釣遊所經方域無舛撫今追昔滄桑之感慨滋深彰往察來袞鉞之勸懲亦寓彙而梓之蓋祭海先河之意焉爾爰次其篇目於左

運瀆橋道小志一卷

鳳麓小志四卷

東城志略一卷

連瀆橋道水卷

光緒乙酉仲夏新鐫
板藏金陵冶麓山房

叙

南生同年家世南都性耆饌述玉帶一河溯洞从之網
羅叢殘釐爲斯志權輿赤烏下逮並世川瀆異同仰鏡
乎前載人物臧否用紆乎來軫禪靈渚塞緬僧辯之遺
烈治官臺圯慕文舉之高致中離屯難履綦不續陵谷
貿遷英豪凋謝一水紫鏡濯旣絕之纓雙橋落虹蝕曾
題之柱此則板橋雜記係興替於簡端白下瑣言陶哀
樂於弦外者矣僕江左棲遁越一星終橫舍戢戢校經
斯在每詣次宗之肆輒經元禮之門眎我一編騷屑鄉

故水經標目殆道元之附庸風土名篇實孝侯之掌錄
循省未竟心鄉往之甲申孟陬金壇馮煦

叙

儒者侈言六合求之千里萬里外以誇多鬪博而桑梓
敬恭之地童時釣遊嬉戲之所或瞠目不能對數典而
忘其祖識者譏焉古今志乘之書汗牛充棟若常棠之
澈川志殷萃叟外岡志錢敬亭續外岡志所記不過一
隅而父老之舊聞鄉先生之嘉言懿行與夫里巷街衢
溝渠橋梁祠宇園林之變易人情風俗之今昔異宜已
櫟括於篇信乎志無大小惟要於可信而已吾友陳君
雨生留心鄉邦文獻手所鈔輯數千紙邑人脩郡縣志

輒倚之集事里居之暇復爲運瀆橋道小志以水爲經以橋爲緯縱橫僅十里而父老之舊聞鄉先生之嘉言懿行與夫里巷街衢溝渠橋梁祠宇園林之變易人情風俗之今昔異宜慨乎言之而出以謹嚴則固澈川志與外岡兩志之例也抑予先世嘗居張府園陳氏宅又遷易駕橋李氏宅皆近運瀆迴憶曩昔所見衣冠樸儉勤於職業富者知名之可好施與無所吝學校之士尤兢兢於繩檢今且四十餘年矣老成典型猶時時在心目中讀此書益愀然雨生與予同筆硯垂二十年又申

之以婚姻其冲澹寡營博聞強識同輩皆心折然亦天
有以成之生平著述等身茲編特乘耄之先其益出所
蘊以爲後進模楷使人人人生桑梓敬恭之思乎乙酉浴
佛後一日上元泰際唐

題辭

甘元煥

清泓一水繞禪靈
梧竹蕭疏揖蔣亭
江左風流文獻在
偶梳屐齒補圖經

柵寨葑淤閉尾閭
于湖一論實權輿
開編領畧褰裳意
漫比茅亭野客書

劫後伽藍例洛陽
從君證古語能詳
結廬久欲棲桑泊
種秫猶留半頃荒

朱桂模

水深土厚羨新田
負鍾原宜濬大川
撈淺近年功孰偉

宗臣遺愛肅雕籙

曾文正沈文肅兩公俱飭營勇疏濬

桑梓人文毓地靈檀橋芹藻舊流馨仲弓居室今相近

太史應占聚德星

顧雲

五鄉在前明蜚聲有三儒其一陳氏沂圖經箸充叔遙
遙數百年芳徽君再振削簡畦畛明操管經緯順伽藍
俄盛衰道里參疑信何如誌桑梓沙錐兼泥印撰述況
未央千里此發軔世舊君儻甄敢援華玉進

君撰金陵通紀通傳

二書通傳以族姓爲類故及之

連濟橋道圖

